



Шочмо эл, порылык да чын верч!

Будь готов!

18-ше (3562) №,
2022 ий 6 май,
кугарня.



Мде лий

1933 ий 1 февраль годсек лектеш.

0+

Куримла дене шарнена



Ульяна МАКАРОВАН да Екатерина БАРЦЕВАН сүретьшт.

Йошкар-Оласе 4-ше номеран йоча сымыктыш школ.

Сар огеш күл

Александр Зайникаевын «Сар жапыште чыла читаш логалын, тунамсым шукин шарналтат тачат...» почеламут корнылажым лудмеке, мogyрлан копыж-ж чучеш. Сарын кочыжым чыланат чытеныт. Серызе арам огыл тыге возен: «...вет илыш верчын тавадан шогалын эсогыл школыш коштдымо йочат...» Сегымаш кечым изижат-кугужат вученыт. 1945 ий 9 Май. Кугезе кочана-влак тыныс илышым пöлекленыт, ончыкылык верч вуйыштым курымешлан пыштеныт. Ме, тачысе самырык тукым, нунын ончылно вуйым савена, яндар кавалан, эрыклан тауштена. Сар огеш күл мыланна, ме кажне кечылан куанен илынена.

Дмитрий ВЕДЕНЬКИН.

1-ше номеран Шернур школ.

Тыныслык

Шучко сар шем кышажым кодалын,
Нангаен шуко эргым элнан.
Тул-шикш дене тўням вет öндалын,
Сöй пасужо вўран – чылт полан.

Ойлымашым, романым шергалын
Палена ме осал сар нерген.
Вуйым патыр кочайлан савалын
Илена, элна ден кугешнен.

Тек каваже лиеш канде-канде,
Тек онча кечына шыратен.
Сарым ик йочат ынже пале,
Тек ила калыкна йывыртен.

Аня АНДРЕЕВА.

Кужэнгер, Тошто Йўледўр.

Ўшан сенаш полшен

Екатеринбург оласе Б.Н.Ельцин лүмеш Урал федерал университетыште физкультур дене всероссийский олимпиаде эртаралтын. Российын 78 регионжо гыч 258 тунемше уш-акылжым да вийжым терген. Йошкар-Оласе Бауман лицейин тунемшыже Николай Ермаков (снимкыште) сенгышыш лектын. Ёдыр-рвезе-влак куштылго атлетике, теорий, гимнастике, спорт модыш да прикладной физкультур дене тергынамашым эртенит.

– Лицейысе уста туныктышо-влакын тыршымыштан, тунемшым кажне кечын ямдылымыштан көра сенгымашке шуынна. Тўжем гана «Тый керат» манын ойлымо арам лийын огыл. Ме сененна, – оила физкультурым туныктышо И.В.Николаева.



Фотом Интернет гыч налме.

Е.ИВАНОВА ямдылен.

Российысе увер

3-17 ияш йоча-влак «Этот День Победы!» всероссийский конкурсышто мастарлыкыштым терген кертыт. Сенгымаш кечылан пөлеклалтше сўретым, открытым сўретлыман але поделкым, фотоколлажым ямдылыман да **20 май марте** колтыман. Тўрыс увер – ya-odarennostru сайтыште.

1-11-ше класслаште тунемше ёдыр-рвезе-влак, проектм шкет але тўшкан возыза да «ЭкоПатруль» всероссийский конкурсыш ушныза. Тўрыс уверым vsekonkursy.ru сайтыште ончыза.

Студент, тунемше ден туныктышо-влак, почеламутым сылнын лудаш да мураш кумылан улыда? Тугеже «Великая Победа» всероссийский конкурсышко ушныза. Паша ден йодмашым **25 август марте** колтыза. Тўрыс увер – gorod-future.ru сайтыште.

Марий Элысе увер

9 Майыште Йошкар-Олаште «Курымашлык полк» акций эртаралтеш. Кажне кумылан ег ушнен кертеш. Тўн йодмаш – фотографий лийшаш. 11 шагатлан 14-ше номеран гимназий воктене (Ленинский проспект, 54-ше пөрт) лийман.

Т.Евсеев лүмеш Национальный тоштерын «Герои марийского эпоса. Современное прочтение» проектше Марий Эл Республик Вуйлатышын грант конкурсышто сенгышыш лектын. Марий легендын куд геройжо сувенирыш савырна.

Марий Элын «ИниГМа» командыже Пермь олаште эртаралтше «Мо! Кушто! Кунам!» модышышто кумшо верыш лектын. Тушто Юл кундем федерал округысо тунемше-влак уш-акылыштым тергенит.

Историйым шергалына

1945 ий 6 майыште совет войска Пражский операцийым тўналын.

Прагым утарен да «Центр» армийын группыжым пленыш налын.

1944 ий 12 майыште Крымский наступательный операций мучашлалтын.

Совет войска Крылым 35 кечыште утарен. А фашист-влак, сар тўналмеке,

Севастопольым 250 йўд-кече сенен налаш тўченит.

«Без срока давности» Сенгымаш

сочинений да шымлыме паша всероссийский конкурс-влакын республикысе йыжынгыштым иктешленит. Танасымашке тўжем утла тунемше ушнен. Сочинений конкурсышто сененит: Екатерина Речкина (14-ше гимназий), Сергей Роженцов (Йошкар-Ола, 15-ше №-ан шк.), Ксения Воробьева (3-шо №-ан Медведево шк.).

Козьмодемьянск лицейин тунемшыже Екатерина Набиркова шымлыме пашаж дене ойыртемаптын.

Арулыкым эскерат



Фотом школ архив гыч налме.

Школысо волонтер-влак «Тўвыра шарныктыш-влакым аралыме да шарныме кече» акцияшке ушненит. Кугу Ачамланде сарыште лийше салтак-влак лүмеш 2020 ийыште мемнан ялыште стелым шогалтенит. Волонтер-влак шарныктыш йыр эрыктенит да пеледыш аршашым пыштеныт (снимкыште).

Екатерина САВЕЛЬЕВА.

Одо кундем, Грак, Марий Возжай.



Чўкталтеш уэш «Майатул»



23-29 майыште Йошкар-Олаште Финн-угор калык-влакын театрыштын «Майатул» тўнямбал фестивалышты эртаралтеш. Нине кечылаште Карел, Мордва, Удмурт республикла, Коми-Пермяк, Хант-Манси округла гыч толшо театр-влакын спектаклыштым ончаш лишеш. М.Шкетан лўмеш Марий национальный драме, Марий самырык, Курыкмарий драме театр-влак усталыкыштым ончыктат.

Фестивалыым М.Шкетан лўмеш театрын артистше-влак «Торешвате» спектакль дене почыт.

Х.ГЕННАДЬЕВА.

Шкешотан ончер

Йошкар-Оласе «Башне» тўвыра да ончер рўдер «Быть» социал проект радамыште ончерым келышта-рен. Коло утла авторын живописьшым, графике дизайным кучылтын ыштыжым сўретшым, фотографийжым, тўрлў арвер гыч ямдылыме композицийжым куд залыш чумырен. Кажне паша шкешотан, тўрлў темым авалта. Рўдерын пашаенже-влак самырык сўретче-шамычым



Н.ЛАВРЕНТЬЕВАН - фотожо.

Ўдыр-рвезе-влак Марий талешке кечылан пўлеклалтше «Ильшлан куаньше мурем тыланет, кугезе мланде, пўлеклем!» мероприяти-йыште мастарлыкыштым ончыктеныт. Тўналгыш класслаште тунемше-шамыч (**снимкыште**) «Одар тукым кушкеш» марий касыште муреныт, куштеныт, тўрлў марий модыш дене модыныт. Кугурак класслаште шинчымашым

кызытсе сымыктышлан шўмандаш шонат. Кумдан палыме художник-влакын пашаштым ончен, усталыкым вияндаш туныктат. «Быть» проект усталык гоч шкем умылаш, илыш нерген шонкалалаш тарата.

Ончер дене палыме лияш вашкыза.

Е.ИВАНОВА.

«Ямде лий» 2022 ий 6 май

26 апрельште Кужэгер район Руш Шой школышто «Ямде лий» ден «Кугарня» газет редакций-влакын пашаенгышт уна лийыныт.

погышо-влак, кундеммысе талешке-влак дене вашлийын, чоным почын мутланеныт. «Возаш тунемына» усталык лабораторийыште интервьюю налаш, почеламутым сераш, фотографийым чын ышташ тунемыныт. Туныктышо-влак Арсий Волковын «Артистка» пьесыж почеш спектаклым модын ончыктеныт. Икманаш, кече мероприятийлан поян лийын.

Х.АЛЕКСАНДРОВА.

Сылне шочмо ял эре вуча,
Вашлиеш,

чылт кидымак куча.
Кече тыште

шыргыжын онча –
Уремна ший йомакла конча.

София КРЫЛОВА.

Кужэгер, Руш Шой.



Лўмыштым огыт мондо



Фотом йочасадын архивше гыч налме.

Шернур район Шўдымарий школ пеленысе йочасадыш коштыше икшысе-влак (**снимкыште**) «Кў тыгай талешке?» йодышлан вашмутым Марий талешке кечылан пўлеклалтше пайремыште пален налыныт. Шокшем Памаш книгагудым вуйлатыше Л.С.Журавлєва Акпарс, Болтуш, Онар, Чоткар да моло-влак нерген каласкален. Йоча-влак почеламутым лудыныт.

Л.В.СОЛОВЬЄВА ден Богдан уныкаже.

Марий талешке кечым школышто рўжге эртаренна. Шинчымашнам ончер пойдарен. Марий Кужер ялысе клуб пашаен-влак марий композитор М.С.Степанов нерген шуко онгайым каласкаленыт. Йочасадыш коштыше да 1-ше классыште тунемше ўдыр-рвезе-влак, «Талешке сорта» акцийышке ушнен, калык писатель Н.Лекайнын стелыже воктене сортам чўктеныт. Кугурак ийготан-влак «Талешкым ойырымаш» тагасымашке ушненыт. Ме талешкына-влакым шарнена.

Анастасия
МИХАЙЛОВА.

Морко, Шўргыял.





Кочо таман йоча пагыт



Авторын фотожо.

– Кочам Кугу Ачамланде сарыште лийын огыл, но ту жапысе илышын кочыжым пален кушкын, – У Торъял район Кузнеч школын 6-шо классыште тунемше Анжилина Чулкова (снимкыште) тыгай шомакла дене каласкалалаш тўнале. Чолга ўдыр лудаш, кычалаш, ум пален налаш йўрата. Кочаж нерген шымлыме пашаж дене «Эврика» районысо шанче-практик конференцийште икым-

ше верым налын. – Кочам Николай Фёдорович Никулин сар жапысе илыш нерген ятыр каласкален. Ўмыржў лугыч лиймеке, тудын нерген шымлыме пашам возаш кумылаңынам. Кочам сар жапысе йоча пагытше нерген кок тетрадьым возен коден. Нуно пашамым келгынрак почын пуаш полшенйт. Николай Фёдорович самырыкше годым тунуктышо лияш шонен, но кулак икшыве манын, тунемаш налын огытыл. Сандене ўмыржў мучко колхозышто пашам ыштен, мўкшыым ончен. Шуко оңай фактым ковамьн шарнымашыж гыч ешаренам, ятыр видеофрагментым погенам. Шымлыме пашам возаш историйым тунуктышо Зоя Фёдоровна Богданова полшен.

Е.ИВАНОВА.

Тыныс илыш эн шерге

Толыда те
сылне шошо годым,
Лыве лийын, мемнан дек уэш.
Кеч чонда кугу сарешак
кодын,
Курымлан лўмдаже
шарналтеш.

Сар тулеш когаргыше
ий-влакше
Мемнан деч эре умбак торлат.
Она мондо ме
совет салтакым –
Тўня мучко чыланат шарнат.

Мыланна огеш кўл
егын мланде,
Огеш кўл йотъенгын
курукшат.
Тачысе салтак-влак
ульт ямде,
Тыныслыкым нуно аралат.
В.А.АЛЕКСАНДРОВ.
Морко, Коркато.

Ковам дене кугешнем

Мыйын кугезе ковам, Мария Алексеевна Павлова, 1943 ийыште фронтыш каен. Йошкарармеец-стрелочник лийын. Сеңымаш кечым Румынийыште вашлийын. Вара шочмо мўнгыжў пўртылын. Фашист-влак ваштареш кредалмаште лўддымылыкым, чолгалыкым, пенгыдылыкым ончыктымьжлан Жуковын медальже да Кугу Ачамланде сар орден дене палемдалтын. М.А.Павлован лўмжым Советский районын «Шарнымаш книгашкыже» пуртымо. Мый кугезе ковам дене кугешнем.

Алина АЛЕКСАНДРОВА.

Советский, Шуарсола.

Вуем савен тауштем



Сеңымаш кече – куаным кондышо да шўлыкан пайрем. Ты кечын ме кугезе коча-кова-влакым шарналтена. Шучко сар, совет салтак-влакын геройлыкышт нерген книга гыч пален налынам. Нунылан тыныс илышым арален кодымыштлан вуем савен тауштем да курымеш шарнаш тўналам. Тыгай шучко сар нигунам ынже лий.

Диана ГРИГОРЬЕВА.
Морко, Купсола.

Кугезе кочам

Мый кугезе кочам-шамычым, Семен Федорович Федоров ден Климентий Захарович Захаровым, шарнем да нунын дене кугешнем. Мутлан, Семен кочам 1942 ийыште Кугу Ачамланде сарыш каен да 1947 ийыште веле пўртылын. Шуко медаль ден орденже уло. Мый тудын нерген шымлыме пашам возенам, сеңыше радамыште лийынам. Кажне ийын Сеңымаш кечын «Курымашлык полкышто» тудын фотожым кучен ошкылам.

Звенигово, 2-шо №-ан Красногорский школ.



Варя РЕЗУНОВАН
сўретше.
6-шо номеран
Морко школ.

Даша ИВАНОВА.



Пырля
сўретлена

Йоча-влак, сўретым ончен, танкым сўретлыза.



Сенгымаш кече

Кроссворд



Миша ТАРАСЕНКОН сүретше. У Торъял, Немда.



«Совет Ушем Герой-влак»

Эрта садак

Ойгангын шыргыжеш ал кече,
Ах, шучко, Украина,
кредалмаш.

Шортешыс миллион
сурт-пече.
Кеч йүкым эргыным колаш!..

Ты жап эрта иктаж-кунам
садак,

Да сенгымаш, палем,
толеш, толеш.

Ме лектына парадышке адак.
Тек Юмо нине шомаклам

колеш.

Вадим ЛЕБЕДЕВ.

Звенигово, Поянсола.

Шола гыч

пурлашке:

5. Медведево районын шочшыжо. Сарыште разведчик лийын. 6. У Торъял районеш шочын-кушкын. 9. Советский районын шочшыжо. Взвод командир лийын. 10. Сар деч ончыч Волжск олесе Марбум-комбинатыште пашам ыштен. Противотанковый орудийын командирже лийын. 11. Тудлан 1944 ийыште Совет Ушем Герой лүмым пуымо.

Күшыч үлкө:

1. Юрино район гыч. Подполковник. Полк дене вуйлатен.

2. Волжский районеш шочын-кушкын.

3. Морко район гыч. Разведчик лийын.

4. Курыкмарий район гыч. Лётчик лийын.

7. Кокшайск села гыч. Лётчик.

8. Козьмодемьянск ола гыч. Тале артиллерист семын ойыртемалтын.

В.СМИРНОВ ямдылен.

Задаче

Сар жапыште чылаже 30 тўжем «Катюша» машинам ямдылыме. Берлинский операций годым вич процент «Катюшам» кучылтмо. Берлинский операцийште мыняр машина лийын?



Карт гыч үштылалтын

Школыштына палыдыме салтакым шарнымылан пөлеклалтше класс шагат эртаралтын. 1943 ий 22 мартыште шучко трагедий лийын. Тушман-влак Хатынь ялым авырен налыныт. Лач кум йоча да ик кугыен веле шылын кертыныт. Ял калыкым фашист-шамыч сарайыш поктен пуртеныт. Нуно ни йочам, ни шонгым чама-нен огытыл. Иктаж-кө утлаш тыршен гын, вигак лўеныт. 149 ег тулеш йўлен колен. Нунын коклаште 75 йоча лийын. Хатынь карт гыч курымешлан үштылалтын. Тиде верыште 1969 ийыште мемориал комплексым почыныт.

Мария ВАСИЛЬЕВА.

Волжский, Сотнур.

Ачашт - герой

«Улыда чолга салтак...» — Звенигово район Эсмекпяк школын 8-ше классыштыже тунемше Даша РОМАНОВА (снимкыште) сочиненийжым тыге лўмден. Удыр тиде паша дене Республикысе марий тўвыра рўдерын эртарыме «Элым аралыше. Могай тудо лийшаш!» республикысе конкурсышто сенгышыш лектын.

Даша сочиненийште ачаже, изаже да шольыж нерген возен. Дим. Орайын «Чолга шўдыр» повестьшымат шарналтен, салтакыш ужатыме йўла дене палдарен.

— Ачам Сергей Анатольевич шочмо эл ончылно порысышым ик ият пеле шуктен. Тудо Саратовышто служитлен, — каласкала ўдыр.

Даша ачажым геройлан шотла. Сергей Анатольевич шошым вўдыш пурнтайыше пийым ўдыржын шинча ончылыжо утарен.

— Ачана — мыланна пример. Тудым ончен, Артём изам тыгаяк патыр кушкын. Тудо контракт почеш элнам арала, кызыт — Украиныште. Изи Никита шольымат чолга койыш-шок-тышан лиеш, шонем, — оила ўдыр.

Х.АЛЕКСАНДРОВА.





Маскаиге кынелеш

Шошо толын. Эрвелеш
Маскаиге кынелеш.
Шем чапажым нулалта
Да умшажым каралта.

– Мүшкыр шужыш,
мом ышташ?
Кушто кочкышым муаш?
Нөргө шудо у жарген,
Тудым мый кочкам поген.

А кенежым энгыз тич,
Вондерла коклашке шич.
Шер теммешке коч саскам –
Тельлан погет коям.

Данимир МОИСЕЕВ.
Советский, Ронго.

нам. Кочкышым шке кычал! – торжан пелештен Маска.

Пире вуйжым сакен да савырнен каен. Икмыняр тат гыч шордым конден. Тидым Маска ужын да кычкыралын:

– Йолташем, мом кученат?
Мыланемат кочкын ончаш пу.

– Тый мыйым сийлаш тореш ли-
йыч, мыят ом пу, – вашештен
Пире.

Тидын деч вара нуно чот сыре-
ныт да тетла нигунам вашлийын
огытыл.

Софья ИБАТОВА.
Татарстан, Агрыз, Буймо.

Карме ден Пормо

Илен улмаш Шамай коре-
мыште Пормо: йошкарге,
кугу вуян, пенгыде шулды-
ран, күжгө йүкан. Тудо, пашам
ыштыде, яра илаш тунемын.
Шуко жапшым мален эрта-
рен, лач кечывалым кочкы-
шым кычалаш лектын. Күжгө

йүкшө дене
чылам лүдык-
тылын, вольык
тупыш шинчын
да теммешкыже
вүрым йүын.
Темдыме койы-

шыжлан көра шкетын илен.

Икана тудо Кармым ваш-
лийын. Кармын шемалге
капше, мотор шинчаже,
йүкшө келшенит. Пырля илаш
үжын, Карме көнен.

Кум ий жапыште Пормо
эше шыдырак, эше чангарак
лийын. Карме тыгай койышым
чытен огыл да Пормо деч
йышт чонештен каен.
Корнышто шкеж гаяк вес
Кармым вашлийын. Пырля
келшен илаш тўналыныт.
Пормо тидлан сырен, Кармым



Мурка ден Шырчык

Илен улмаш Мурка
лўман пырыс. Суртшо
воктенысе садыште ладыра
куэ кушкын. Тушто шырчык
омарта кечен. Шулдыран
йолташ шочмо суртышкыжо
кажне ийын куанен вашкен.

Икана пырыс, садыш лек-
мекыже, пушенгыште шыр-
чык омартам ужын.
Муркалан онгай лийын: мо
тушто ила? Шуко шонка-
лыде, пушенгышке күзен да
омарташке чоян ончалын.
Тушто Шырчык шинчен.
Кайык пырысым сөрвалаш
тўналын:

– Пырыс, пырыс, мыйым
ит коч, мый игым пўктен
лукнем, нуным куштынем.

Мурка Шырчыкым руалтен

кучыне-
же, пурл-
неже ул-
маш. Тру-
кышто
шонал-
тен: «Мы-
йына т
игем ли-
йын кер-
теш. Мы-
ят вет нуным
чаманем». Пы-
рыс пушенге
гыч волен да пёртышкө пурен.
Тылеч вара Мурка Шырчык
дек нигунам күзен огыл. Лач
кажне кечын сылне муры-
жым колыштын.

Максим ИВАНОВ.
Волжский, Пётъял.



Торешчапа ден Пире

Гүжлен шогышо чодыраште
Маска ден Пире иленьет. Маска –
кугу пушенге йымалне, Пире –
кож воктене. Икана торешчапа
кугу-у колям кучен. Тидым Пире
ужын да лош пайлаш йодын.

– Ом пу. Тидым мый куче-

Моктаныше

Мику лўман эрге моктанаш
йөрәтен. Переменыштат, урок
годымат туныктышо дене
үчашен.

Икана туныктышо ойлен:

– Мику, моктанаш сай огыл.
Кызытак чарныман. Уке гын,
Буратино гай кужу неран
лият.

Мику туныктышын ойжым
шотыш налын огыл, шке
пашажым шуктенак шоген.
Но... Икана Мику омым ужын,
пуйто чынак нерже кужу-
кужу лийын. Чот лүдмыж
дене кычкырал колтен. Шке-
же помыжалтын. Вигака вош-
тончышыш ончалаш чымал-
тын. Ужын – нер тыгаяк,
шкенжынак. Куанымыз дене
моктанымым чарнен. Илы-
шыште омо чынышкат са-
вырнен кертеш.

Илья НИКОЛАЕВ.
Морко, Коркатово.

пытараш шонен пыштен.
Икана тудо Кармым йышт
оролен чонештен да презын
тупешыже шылын шинчын.
Опкынланен, презын вичкыж
коваштыжым шүтен, Карме
нерген монден, вүрым йүаш
тўналын. Кенета презе почшо
дене лупшал колтен да Пормо
мланде үмбаке пёрдын волен.
Тыге осал, темдыме Пормын
илышыже лугыч лийын.

Есения ЕГОШИНА.
У Торъял, Немда.



Сылне май

Толын шошо, лум шулен,
Вүд коремыште йога.
Шырчыкна илаш пурен
Пörтыш уыш. Пеш чолга!
Уремлаште йоча-шамыч
Пушым колтылыт, гүжлат.
Шижиныт ал шошо тамым,
Ах, куржталыт вет пүжалт.
Тиде пагыт пешак сай,
Кече порын шыргыжеш.
Шуын сылне-сылне май –
Пүртүснаже ылыжеш.

Арина АНДРЕЕВА.

Волжский, Пötъял.



Кира СМЕРНОВАН сүретше.
Морко, Коркатово.

Пайрем лүмеш



Фотом йочасадын архивше гыч налме.

Волжский район Сотнур селесе «Пеледыш» йочасадын школыш каяш ямдылалтше группышкыже коштшо икшыве-шамыч (снимкыште) волгыдо Кугечылан пöлеклалтше пайремым эртареныт. Воспитатель Э.Г.Гурьянова ден музыкальный руководитель Р.Г.Кузьминан вуйлатымышт почеш икшыве-влак муреныт, куштеныт, модыныт, почеламутым лудыныт. Святой Троице лүмеш черкын настоятельже иерей Игорь ача пайрем дене саламлен. Йоча-влак мастарлыкштым Сотнур, Пötъял школлаште ончыктеныт.

Л.НИКОЛАЕВА ямдылен.

7 май – Радион кечыже.

Кечыгут «кутыра»

Суртыштына радио кечыгут «кутыра». Тудын полшымо дене игечым, уверым, иктаж-мом ум пален налына. Тыгак мурым, онай ең-влак дене интервьюм колыштына. Марий Эл радиош интервьюм пуаш мыланемат пиал шыргыжалын. Мый денем Эчук ден Пампалче курчак-влак мутланеныт. Нунын йодышыштлан уло кумылын вашештенам да шкемым «Ямде лий» дене йолташ лий» передачыште колыштынам.

Алёна ЧАПИШЕВА.

Волжский, Сотнур.

Мастар кид

Георгиевский тасмам тыглайын кылдаш веле огыт, тудым моторын пижыкташ лиш. Тидлан 7, 10, 14 сантиметран тасмам пүчкын ямдылыза. Кажныжын мучашыжым вашла ушымеке, сүретысе семын ургыза.




М.Шкетан лүмеш **Увер** Марий национальный драме театр акцияым эртарам. Школлаште тунемше-влак онлайн спектакльым яра ончен кертыт. Тидлан театр дене ончылгоч кутырен келшыман да йодмашым колтыман.



<p>«Ямде лий» газет Тун редактор Л.Н.ГРИГОРЬЕВА. Индекс: П4696. Тираж 1550 экз. Заказ Формат – А-4-8. https://vk.com/yamde_lii https://ok.ru/yamdelii E-mail: yamde_lii@mari-el.ru (документ кагазлан), yamde_lii@mail.ru (автор-влаклан) Сайтын адресше: ямделий.рф</p>	<p>УЧРЕДИТЕЛЬ-ВЛАК: Марий Эл Республикысе культуру, печать да калык-влакын пашашт шотышто министерстве, «Кугарня» газет» кугыжаныш унитарный казна предприятий. Газетым редакцийште погымо да верстатлыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем,112.</p>	<p>Газетым Кыл, информационный технологий да массовый коммуникаций сферым эскериме шотышто федеральный службын Юл кундем федеральный округысо управленийыштыже регистрироватлыме. Номер – ПИ № ТУ52-01335, 2021 ий 29 сентябрьште пуымо.</p>	<p>0+ Печатьш пуымо жап – 14-00, фактически – 13-00 Авторын да редакцийын шонымашышт түрлө лийын кертыт. Серыш-влак мөнгеш огыт колталт. Ак – кутырен келшыме почеш. Редакцийын да издательнын адресше: 424006, Йошкар-Ола, СССР Вооруженный Вийын 70-ше идалькше урем, 20-шо порт. Тел. 8(8362) 45-22-82(факс)</p>
---	--	--	---

М.Шкетан лүмеш Марий кугыжаныш драме театр		Рекламе.
6 пт 18:00	МАЙ МЫ ЗНАЕМ ЭТИ ПЕСНИ НАИЗУСТЬ Концерт ШКЕТАН-САД	6+
9 пн 15:00 19:00	МАЙ МЫ ЗНАЕМ ЭТИ ПЕСНИ НАИЗУСТЬ Концерт ШКЕТАН-САД	6+
11 вр 18:00	ПРЕМЬЕР ТЕРГЫШЕ / Ревизор Комедия Н. Гоголь	12+
12 из 18:00	ПРЕМЬЕР ОКСА ТУЛ / Блеск монет Комедия Ю. Байгуза В. Пектеев	12+
14 сб 16:00	на русском языке ОСКАР и РОЗОВАЯ ДАМА Письма Богу ЦЕХ-ЗАЛ Э. Шмитт	12+
19 из 18:00	ПРЕМЬЕР ОЙ, МИЧУ!.. ОХ, ЗИНА!.. Драма Маркан Тулуй	16+
КАССЕ (8362) 78-13-78		SHKETAN.RU



Конкурс

Катя ГЛУШКОВА.
Шернур посёлко.



Илья ЯНСИТОВ.
Башкортостан,
Бирск ола.



Модель улам


Варвара СЛОБОДЯНИК.
Марий Турек,
Карлыган.



Юля ЯГОДАРОВА.
Советский,
Кельмаксола.

Судуку

8	6			3	9
	4		1		6 8
2		8 7			5
1	8			5	2
	3	1			5
7	5	3	9		
	2 1		7	4	
6			2	8	
	8 7 6		4		3



Куд шырпым
верышт дене
вашталтен,
куд ромбым
ыштыза.

Задаче

Нижний Тагилысе завод 1942 ий январьыште 75 танкым ямдылен, а 1942 ий декабрьыште – 765 танкым. Паша лектыш мынар пачаш куге мын?



Сўретым чиялтыза.


Филворд

С	А	Р	Г	У	Р	А	Л	З	С
О	Р	Г	Н	М	Б	Ф	Ш	Г	А
А	П	Ы	Ч	А	Л	Т	А	Р	Л
П	О	Ц	С	Т	Ю	И	Б	Т	Т
С	Е	Н	Ы	М	А	Ш	О	А	А
В	И	Т	Б	Е	В	Ф	М	Н	К
Б	Л	О	К	А	Д	Е	Б	К	К
С	Т	А	Н	Ц	И	Т	О	Т	О
Ю	И	Т	Б	П	П	А	Р	А	Д
К	А	Т	Ю	Ш	А	Л	Е	Н	Ь

Сар дене кылдалтше шомак-влакым муза.

Интернетысе сўрет-влакым кучылтмо.

Ольош модыш танкшым йомдарен.
Эргылан тудым муаш полшыза.



Столбик дене шотлыза.



3	10	4	5	6
+6	+1	+3	+6	+4
<input type="text"/>	<input type="text"/>	<input type="text"/>	<input type="text"/>	<input type="text"/>